

諸法最上王經

卷三

隋天竺三藏法師闍那多等譯

復次說此法時婆伽婆遊於王舍竹林迦蘭陀精舍與大比丘衆一千二百五十人俱舊

結髮優樓頻螺迦葉爲首悉阿羅漢諸漏已

盡應作者作所作已辦棄捨重擔得到自利

盡諸有結正智心好解脫皆心自在到第一

岸惟除一人謂命者阿難陀時婆伽婆於十五日當作布薩露地而坐諸比丘僧圍遶恭

敬面皆向佛爾時有一比丘出家未久彼日

受具足戒來詣佛所到已頂禮佛足右遶三

而合掌白言世尊我近出家今日受戒願爲

我說云何受聚落食而名善食云何食已爲淨

福田當得第一利益時彼比丘向佛說此伽陀

我出家未久今日受具足戒世尊爲我說

云何得淨施我爲此故行捨家不畜家

如是淨於施彼義復爲說

如是語已佛言比丘善聽善作正念當爲汝

說如比丘不虛受聚落食食已淨施是故善家子善家女捨家不畜於家行無上行當得究竟勝處如是比丘入僧中見僧業合僧利具此三法不虛受聚落食食已淨施當得第一利益爾時世尊說此伽陀

衆生若入僧亦念於僧業復合於僧利

彼能淨施福

時彼此丘白言世尊我今聞佛如是略教不解其義世尊云何比丘入僧中見僧業合僧利時彼此丘說此伽陀

云何入於僧而見於僧業爲我說僧利聞已我等知

如是語已佛言比丘善作心聽我今爲汝說僧及以僧業僧利比丘白言甚善世尊如是樂聞佛言比丘云何名僧僧者四雙八輩富伽羅是名爲僧當善與食向其合掌是能淨施名爲福田諸天及人皆須供養爾時世尊說此伽陀

我今說四雙 八輩富伽羅 是等名爲僧

無上勝福田

比丘云何名爲僧業其僧業者四念處四正斷四神足五根五力七覺分八聖道是名僧業爾時世尊說此伽施

常勤最勝道 所謂八聖分

景三

二

如彼所說僧  
彼業正如是

比丘云何名爲僧利其僧利者四沙門果何者爲四一者須薩多阿般那果二者塞訖利陀伽彌果三者阿那伽彌果四者阿羅漢果

是名僧大利爾時世尊說此伽施

大身有大利 彼僧富伽羅 如沙門四果

能淨於施福

如是語已比丘白言世尊如世尊所說入僧中見僧業合僧利彼人善受聚落施食食已得淨施福到第一利世尊若復有人發於大乘爲知遍智捨家出家彼富伽羅僧中見不見僧業不合僧利不如是語已佛言甚善比

丘汝於如來應正遍知乃能念問是義比丘汝大吉祥辯才勝妙善問是義比丘汝善思念故能問如來是義比丘此皆佛威神力令汝今生如是辯才欲得問此句義亦是汝宿願力能如是問是故比丘善聽善念我爲汝說比丘白言甚善世尊我今樂聞佛言比丘汝意所云彼富伽羅發於大乘爲知遍智捨家出家彼富伽羅僧中見不見僧業不見僧利不比丘彼富伽羅僧中不見僧業僧利皆亦不見爾時世尊說此伽施

彼僧中不見 僧業亦不見 僧利亦不見

景三

三

如是語已比丘白言世尊何因何緣聽彼富伽羅等出家聽彼受聚落食而彼富伽羅僧中不見僧業僧利皆亦不見世尊云何彼類富伽羅能淨施福而彼富伽羅僧中不見僧業僧利皆亦不見如是語已佛言比丘汝何須以此問而問彼比丘復言世尊彼富伽羅

云何能淨施福佛復告言汝何須以此問而  
問彼比丘復言世尊彼富伽羅僧中不見僧  
業僧利皆亦不見云何能淨施福爾時世尊  
見彼比丘三度請已即現微笑便作神通依  
如是類神通作已眉間毫相出大光明其光  
復有無量百千種種異色此光威力遍照三  
千大千世界乃至諸大海內所有衆生彼皆  
未曾見聞是光今見光故心驚毛豎其非想  
非非想天彼等亦悉於一念時以佛力故知  
此光明佛眉間出見此光已心驚毛豎時三  
千大千世界四天王天乃至色界無色界天  
悉詣王舍大城竹林迦蘭陀精舍到已頂禮  
佛足右遶無量百千匝已在於佛前正念合  
掌恭敬曲躬不動不倚目未曾瞬生尊重心  
愛心喜心躍心堪心輕心淨心無障礙心  
欲聽法却住一面時此三千大千世界大神  
力諸天等諸龍夜叉羅刹乾闥婆阿脩羅伽  
留茶緊那羅摩睺羅伽人非人等諸天主龍

主夜叉主乾闥婆主阿脩羅主伽留茶主緊  
那羅主摩睺羅伽主人非人主等從於地下  
乃至有頂無有一豎杖處而不充滿彼時三  
波斯迦及諸世間依地行住雜類衆生以佛  
神力悉見佛光心驚毛豎譬如大力丈夫屈  
伸臂頃如是彼皆以佛威力於一念時向王  
舍城竹林迦蘭陀精舍到已頂禮佛足右遶  
三匝在於佛前正念合掌恭敬曲躬生尊重  
心愛心喜心躍心堪心輕心淨心無障礙心  
目未曾瞬瞻仰世尊其身不動於一面住時  
此三千大千世界若城內外及障隔間有大  
景三  
小河諸水生處彼皆依法順流少聲又復所  
有諸障隔內及虛空裏衆鳥等聲以佛神力  
各相應和如是象馬牛羊乃至山牛水牛等  
以佛神力皆安本處及諸大海衆生亦以佛  
力各住自分不相觸惱時此世界所有諸天  
以佛神力皆默然住及天音樂亦悉無聲時

此世界諸惡衆生嚴熾毒心樂造衆惡乃至  
作諸逆等皆以佛力於一念時各各相愛猶  
如親友生利益心樂心軟心能作業心喜心  
淨心無障礙心笑顏先語眉不顰蹙語則柔  
滑不急不麤其所發言令人愛樂老少中年  
各得其所當於爾時此大千界乃至無有聲  
歎等聲以佛神力衆生默住所有風氣溫柔  
且香衆生樂觀莫不歡喜亦不吹動諸樹枝  
葉及藥草等皆以佛力有如是事如第八人  
入滅盡定無出入息此諸大衆默然而住亦  
復如是以彼比丘宿願功德勝住持力故及  
佛功德勝住持力故爾時命者奢利弗知皆  
默然承佛神力從座而起一肩郁多羅僧伽  
作已右膝著地合掌曲躬一心瞻仰爲令大  
衆安隱利益心淨無障欲聞法門如彼比丘  
所問佛義及佛放光諸天人等來集因緣白  
言世尊非無因緣如來現笑及放光明今者  
瑞相有何因緣乃至諸大衆集默然而住時

奢利弗說此伽陀  
諸佛最勝非無因  
勝人何故現瑞相  
世尊今速說此義  
百千多衆生  
以見神通故  
及那由多等  
今來於此集  
何故大衆身  
世尊此何因  
世尊此何緣  
今日來集此  
佛能知此義  
何緣故衆集  
諸天及世人  
世尊慈愍我  
爲我說是義  
普皆起尊重  
合於十指掌  
尊重樂聽法  
瞻仰二足尊  
悉捨天宮殿  
瞻仰二足尊  
悉捨於龍宮  
世尊當說何  
如是神變義  
無量夜叉宮  
佛今當說何  
如是神變義  
時奢利弗說此伽陀已默然而住  
是梵音丈夫  
雷鼓聲大吼  
爲奢利弗說  
如是神變義  
其彼新比丘  
今日受具戒  
奢利彼問我  
以爲諸菩薩  
彼云何出家  
彼業復何似  
受於聚落食  
云何得淨施

奢利是義故 出眉間毫光 此光大威力  
遍照於世界 奢利是義故 諸天衆悉集  
合於十指掌 豐仰二足尊 奢利是義故  
龍夜叉來集 欲吼雲雷聲 不思億衆集  
奢利是義故 漏盡到涅槃 奢利是義故  
悉當發是意 爲獨覺因緣 奢利是義故  
不思億衆集 鎧甲當自嚴 奢利是義故  
奢利是義故 不思億衆集 爲於佛智故  
得最勝菩提 聞此句義已 於大乘不退  
剛志悔惡行 因是故佛記 乃能聽此道  
於後末世時 千億數衆生 為於菩薩故  
除彼菩薩已 住於最勝道 我說此經法  
終無有是處 於後末世時 於中修行已  
若聞此經者 若能持此經 當成二足尊  
不能發菩提 除彼菩薩已 於後末世時  
若不信此經 無智者不信 若聞此經時  
畜生是園林 彼於天人道 六皆破無有分

景三

不破此經者 於後末世時 彼諸天人等  
皆得阿羅漢 若在彼前說 彼亦生疑心  
云何受聚落食而名善食食已能淨施福奢  
利弗以彼比丘問是義故無量阿僧祇百千  
俱致那由多衆生來集皆欲聞我解說是義  
奢利弗我今若欲解說顯示分別是義今淺  
易解彼無量衆得大利益如是語已奢利弗  
白言世尊今正是時願為解說佛言奢利弗  
我今若說此句義時或有衆生其心迷悶何  
以故此大施主不可思施戒忍精進定智大  
師子吼皆不可思此大衆生不可思法其諸  
凡夫及二乘等不能分別信入解知惟除不

退菩薩摩訶薩等奢利弗我見此故彼雖三請猶默不說奢利弗復言婆伽婆如來應正遍知願爲解說乃至令多衆生當得正信佛言奢利弗我若解說此句義時衆生迷悶何以故施等諸法皆不可思乃至我見此故彼雖三請猶默不說奢利弗復言世尊爲多衆生利益安樂慈憐彼等願爲說之於未來世有菩薩摩訶薩發大乘者聞此句義生愛重心當得正信修種種業以大鎧甲而自莊嚴爾時世尊見奢利弗三度請已告奢利弗言菩薩摩訶薩不須淨施何以故菩薩摩訶薩從初發心乃至成道畢竟常淨施故何以故菩薩摩訶薩於諸衆生是無上福田故若諸衆生以諸樂具供養菩薩猶不能報菩薩之恩爾時世尊說此伽陀

若有發心者 爲佛智因緣 從初發心來彼即淨於施 若有發心者 爲佛道因緣彼不須淨施 本來淨施訖 諸天及世人

常須精勤意 承事彼徒者 大智慧菩薩彼諸天人道 皆由菩薩成 智者一發心已能淨諸施 不依欲色界 及於無色界以無依倚心 諸施皆已淨爾時世尊說此伽陀已告奢利弗言奢利弗爲汝說喻令此義滿何以故我說喻者令諸智人正知義故奢利弗假使菩薩受諸衆生所奉衣服大如闍浮洲等從初發心日日受用如是衣服皆能淨施何以故菩薩於諸衆生是無上福田故奢利弗假使菩薩受諸衆生所奉飲食大如須留山等從初發心日日受用如是飲食皆能淨施何以故菩薩於諸衆生是無上福田故奢利弗假使菩薩受諸衆生所奉牀座廣四天下高須留山亦如彼山七寶莊飾敷以天衣其衣細軟從初發心日日受用如是妙座皆能淨施何以故菩薩於諸衆生是無上福田故奢利弗若有如是重閣寶殿及以無量樓閣聳蓋鈴

網雜色莊嚴七寶垣牆七重圍遶壁如他化自在天宮亦有無量諸劫波樹諸音樂樹香華果樹瓔珞樹等處處安置無量香瓶滿諸華池具八分水美而清冷無穢無泥諸華覆上金沙布底水色澈淨猶如駢瑠璃夜七寶欄楯七重周匝四方正齊有四階道諸華池

景三

八

中皆有寶殿復有寶池七行圍遶懸諸繪綵及安寶瓶雜色莊嚴甚可愛樂其中牀座七寶所成無量百千那由多數東西南北隨方而敷燒香散華覆以寶帳奢利弗假有斯等寶殿寶牀衆生悉以奉上菩薩菩薩取之從初發心日日受用皆能淨施何以故菩薩於

覺若得無上正遍知道轉正法輪若人聞彼所說正法如聞能行行已即住聲聞四果乃至或發求獨覺意或發無上正遍知心若聞說施即修施業修已得生刹帝利婆羅門長者等家乃至或得轉輪王位若聞說戒即修戒業修已得生四天王天乃至他化自在天若聞演說四無量意如聞能行行已得生色無色界奢利弗是故當知此等悉由菩薩出生奢利弗譬如阿那婆怛跋多龍王以其威力出四大河何者爲四所謂恒伽辛豆博又私多如是四河一一皆有五百小河以爲眷屬恒伽大河及其眷屬流入東海令彼海滿

景三

九

辛豆大河及其眷屬流入南海令彼海滿博叉大河及其眷屬流入西海令彼海滿私多利帝利大家婆羅門大家長者大家若王若轉輪王若四天王天三十三天須夜摩天刪兜率多天善化天他化自在天及色界無色界天若住初果乃至四果若趣獨覺及得獨

稻麻荳麥種種田苗皆得其潤佛言奢利弗於意云何彼四大海誰能滿之奢利弗言世尊此四大河今彼海滿佛言奢利弗於意云何彼四大河於諸衆生有利益不奢利弗言與諸水陸所有衆生作大利益所謂龜魚等類及捕魚人復有夜叉羅刹阿脩羅畢奢遮龍蛇摩睺羅伽等并餘無量雜類衆生若是衆生宮舍住處種種寶滿所謂珊瑚鞞瑠璃是奢利弗當知菩薩摩訶薩亦復如是奢利弗如阿那婆怛跋多大龍王得免三怖菩薩摩訶薩亦免三怖何者爲三所謂泥犁耶怖畜生怖閻摩世怖奢利弗如阿那婆怛跋多諸寶住處皆出大海與諸雜類而作利益人得受用其益甚多佛言奢利弗於意云何四大海水從何而出奢利弗言世尊從阿那婆怛跋多池出佛言奢利弗其阿那婆怛跋多龍王免於三怖何者爲三所謂金翅鳥怖熱沙燒怖行姪欲時作蛇形怖如是三怖悉已免之奢利弗其阿那婆怛跋多龍王宮舍惟是神通禪定者居若有入者若有見者皆不被燒奢利弗言世尊彼大龍宮具足希有奇

特勝法所謂諸龍怖者彼大龍王悉無是事彼處所生諸衆生等及入彼者亦無是怖以是神通有威德者所居處故世尊阿那婆怛跋多大龍王乃有無量功德具足出四大河趣四方海利益衆生當得安樂佛言如是如是奢利弗當知菩薩摩訶薩亦復如是奢利弗如阿那婆怛跋多大龍王得免三怖菩薩摩訶薩亦免三怖何者爲三所謂泥犁耶怖畜生怖閻摩世怖奢利弗如阿那婆怛跋多大池世四大河四方流注如是菩薩以四攝事攝取衆生何者爲四所謂布施愛語利行同事奢利弗如彼大海從阿那婆怛跋多大池所出如是諸佛遍智從菩薩生奢利弗如彼大海無量百千那由多俱致諸衆生等之所依住具足安樂當知如是三有諸所生類皆依諸佛遍智而住所謂欲有色有及無色有奢利弗以是義故當知所有三千大千世界諸安樂具悉由菩薩而得出出生何以故菩

景三

十

薩發心便有修行既修行已便有受記既受記已便得阿耨多羅三藐三菩提得菩提已便轉法輪如是法輪於先未轉若沙門若婆羅門若天若魔若梵及以餘衆無能轉者彼爲衆生轉法輪時其所說法初中後善義味具足淳一清淨說於梵行令四衆知何者爲四所謂比丘比丘尼優婆塞迦優波斯迦以是因緣無量無數諸衆生等受天人樂無有斷時永捐衆苦不離諸樂奢利弗於意云何如是樂法從何處生奢利弗言世尊從菩薩生奢利弗於意云何汝見三有所出諸法從誰而生奢利弗言世尊從菩薩生奢利弗於意云何三有所出諸供養具以此供具供養菩薩能報善薩於先所作利益恩不奢利弗言不也世尊何以故從彼生故世尊如有貧人貧無財物更有富人發大慈悲乃以百千無量無數諸財寶等與彼貧人復有第二第

三貧人亦如是與乃至以諸財寶與彼百千

景三

土

無量無數諸衆生等皆使富足若有驚怖鬪諱繫縛等苦悉令免脫復免所有惡道衆苦令具無量諸天人樂其衆生中若有一人以水精珠破爲百分於百分中取其一分將至彼先得恩人所語被人言汝先與我作利益事我今故來報汝此事世尊彼於衆生作大利益一人但以一分水精與彼丈夫是爲報不佛言不也奢利弗言如是婆伽婆如是修伽多當知彼菩薩者如彼丈夫於諸衆生作大利益一人但以一分水精不能報恩如是世尊發大乘人衆生若以隨意樂具乃至命盡常逐供養雖作是事不能報恩佛言甚善甚善奢利弗善順佛教如佛弟子所爲作事奢利弗若諸衆生以己皮肉筋血骨髓或捨其身乃至百千欲報菩薩所爲利益於百分中不報一分乃至俱致百千分阿僧祇分筭數譬喻亦不能報何以故奢利弗若發阿耨多羅三藐三菩提心者於諸衆生作大利益

奢利弗譬如此閻浮洲有栴檀那樹若芽生時童男童女所有患者與此樹芽悉差其患若葉出時丈夫婦人童男童女所有患者與此樹葉悉差其患若樹大時入其陰者衆生諸患亦皆除愈於後成果其光遍照十方世界若有衆生念此光者彼亦當得無老病死若斫此樹取其木者不畏貧窮彼木破已猶有此益若取其木將作宅舍入其內者諸怖悉除亦皆無有寒熱飢渴如是奢利弗其栴檀那樹芽葉華果長大時乃至斫取或積爲舍無不皆與諸衆生等作大利益如是奢利弗當知菩薩摩訶薩發阿耨多羅三藐三菩提心時以四攝法攝取衆生何者爲四所謂布施愛語利行同事令彼衆生悉得安樂令彼樂已便能順入三解脫門何者爲三所謂空無相無願彼既增長便得具足無生法忍乃至究竟得遍智果既得果已當於無餘大涅槃界而取滅度於滅度時自碎舍利如芥

景三

十二

子許亦作住持奢利弗如栴檀那樹斫取其木諸方將去入彼木舍諸欲熱惱後不復發如來舍利亦復如是奢利弗以是義故當知若善家子善家女等發阿耨多羅三藐三菩提心者乃得報彼先所作恩何以故奢利弗若發阿耨多羅三藐三菩提心者彼即不斷如來教行不斷聲聞獨覺等地能斷衆生所有諸苦及人天苦奢利弗於意云何更有餘人共彼人相似不奢利弗言不也世尊彼人若人若天若魔若梵若沙門若婆羅門若復餘衆以諸樂具與彼菩薩無能報彼先所作恩奢利弗若以一劫若減一劫若百劫若干劫若百千劫若百千俱致那由多劫與諸樂具能得報不奢利弗言不也世尊佛言是故奢利弗若善家子善家女等欲得報彼所作恩者當發阿耨多羅三藐三菩提心然可共彼相似一等報其先恩奢利弗言如是世尊當知如彼所與還須似彼所與而報若於世

間無等人所欲報恩者還發無上無與等心  
於未來佛欲作無上報者彼善家子善家女  
等亦須發阿耨多羅三藐三菩提心如是乃  
得名爲報恩奢利弗有二種富伽羅以無上  
供供養如來何者爲二有富伽羅到諸漏盡  
有富伽羅發阿耨多羅三藐三菩提心爾時

景三

十三

世尊說伽施言

二種富伽羅 彼能供養佛 漏盡發覺心  
是名爲二種 三有諸世間 亦無有財施  
欲與彼大士 而能報其恩 諸色香味等  
所愛及稱心 而施於彼人 亦不名供養  
若發菩提心 為於菩提果 當修菩薩行  
而名上供養 諸天及世人 此乃無所求  
所須者皆與 亦不名報恩 故於大士所  
彼亦不生欲 不名爲供養 當求於菩提  
若有人欲得 供養於佛者 彼須發是欲  
當求於菩提 若欲作功德 數數無有量  
彼須發菩提 當疾作尊重 若欲求諸禪

欲修無量念 彼須生精進 為佛智因緣  
若欲得諸樂 破壞於諸苦 彼須發是欲  
爲於佛菩提 作尊重心已 無邊諸世界  
須發大精進 若人心喜樂 喜樂發菩提  
當修菩薩行 過去佛菩提 喜樂發菩提  
須發菩提心 當修菩薩行 若人疾欲見  
須發菩提心 當修菩薩行 若人欲得見  
現在諸佛者 亦無有財施 現在諸佛者  
若人起慈意 亦無有財施 現在諸佛者  
爲佛菩提故 亦無有財施 現在諸佛者  
數數當須學 亦無有財施 現在諸佛者  
無量無邊樂 亦無有財施 現在諸佛者  
若人欲捨彼 所有諸惡趣 令脫諸苦者  
須發菩提心 彼無上智慧 若欲與衆生  
求勝佛菩提 彼須發是欲 不能具盡說  
爲求於菩提 彼功德無邊 當覺上菩提  
若發如是意 彼須發是欲 佛說伽施已奢利弗白言世尊說是法門幾  
許衆生發阿耨多羅三藐三菩提心佛言奢

利弗汝今何須問如是義何以故奢利弗如來大智若說是者無邊衆生心皆迷惑何以故奢利弗如來所有戒定智通悉無有量奢利弗於意云何有人能知虛空邊不奢利弗言不也世尊何以故虛空邊際過去世中無有知者未來現在亦無人知佛言如是奢利

景三

十四

弗如來大智諸有衆生聲聞獨覺未來現在悉無知者何以故奢利弗此是佛智非諸聲聞獨覺地境奢利弗白言世尊未曾有也彼諸衆生發阿耨多羅三藐三菩提心者當得如是善波了智佛言奢利弗如是如是汝所言彼諸衆生菩薩摩訶薩當得如是善決了智奢利弗白言世尊彼菩薩摩訶薩云何當得善波了智佛言奢利弗於意云何此間浮洲所有衆生若陸若水若空若地漸次修行悉得人身若復有人教持五戒或住十善奢利弗是善家子善家女以此因緣功德多不奢利弗言甚多婆伽婆甚多修伽多乃至

不可爲喻佛言奢利弗我今更說令汝樂聞其間浮洲所有衆生悉教五戒具十善道其人於此所得功德復有一人唯教一人住信行地此善家子善家女功德多彼奢利弗於意云何若有教一閻浮洲中所有衆生住信行地功德多不奢利弗言甚多婆伽婆甚多修伽多彼人功德不可爲喻無量無邊多於前者又奢利弗若有善家子善家女唯教一人住法行地功德多彼教諸衆生住法行地若教一人住八人地功德多彼教諸衆生住八人地若教一人住於初果功德多彼教閻浮洲所有衆生住於初果若教一人住第二果功德多彼教閻浮洲所有衆生住第二果若教一人住第三果功德多彼教閻浮洲所有衆生住第三果若教一人住第四果功德多彼教閻浮洲所有衆生住第四果若教一人住獨覺道功德多彼教閻浮洲所有衆生住獨覺道若教一人住阿耨多羅三藐三菩提三

景三

十五

果功德多彼教閻浮洲所有衆生住第二果若教一人住第三果功德多彼教閻浮洲所有衆生住第三果若教一人住第四果功德多彼教閻浮洲所有衆生住第四果若教一人住獨覺道功德多彼教閻浮洲所有衆生住獨覺道若教一人住阿耨多羅三藐三菩提

提心功德多彼教閻浮洲所有衆生住阿耨多羅三藐三菩提心若教一人住不退法功德多彼教閻浮洲所有衆生住不退法若教一人疾得遍智功德多彼教閻浮洲所有衆生疾得遍智若復有人於此法門生菩薩智破魔羅業捨五聚不共界離諸入壞煩惱攝助白法滅助黑法以此諸法最上王經爲他廣說所得功德多彼無量奢利弗置閻浮洲乃至四洲如是若千世界若二千世界若三千大千世界乃至東方恒伽河沙數等世界衆生若有色若無色若有想若無想若非有想非無想若水若陸郊生胎生濕生化生如是等類漸次修行悉得人身乃至十方世界衆生亦漸次行悉得人身若人盡教住於五戒具十善道奢利弗於意云何彼人所得功德多不奢利弗言甚多婆伽婆甚多修伽多無量無邊不可爲喻佛言奢利弗若有善家子善家女於此諸法最上王經聞而不謗若

更增聽若受若持若讀若誦若爲他說以先功德於百分中不及一分千分百千分俱致分百千那由多俱致分乃至筭數譬喻所能及又奢利弗若教十方世界諸衆生等悉住信行法行八人四果獨覺等地乃至發心住不退法無生法忍疾得遍智若有善家子善家女於此諸法最上王經受持讀誦爲他廣說此功德聚於前功德爲最勝爲最上爲最多爲最妙爲最微妙爲無比爲無上爲無上上爲無相似於無似中得無似福奢利弗以是義故應當知彼衆生有是善決了智發阿耨多羅三藐三菩提心聞此法門生信心

其

者奢利弗如是衆生當云不退轉當云解脫當云度當云寂當云大寂當云澡浴當云調伏當云無上當云無上上當云到涅槃當云已滅度當云能說法當云能說義當云說實當云說真當云如語而作當云捨重擔當云離欲當云離瞋當云離癡當云無垢當云洗

已清淨當云到彼岸當云聞者當云吐欲當  
云吐瞋當云吐癡當云溫諸惡當云佛子當云  
福田當云猛健當云健丈夫當云勝色分當  
云降伏他軍當云師子當云丈夫當云大丈  
夫當云勝丈夫當云無畏丈夫當云有志丈  
夫當云大有志丈夫當云調順丈夫當云丈  
夫牛王當云超越丈夫當云能降健丈夫當  
云人師子當云人牛當云龍當云天當云天  
中天當云婆羅門當云離惡當云無礙當云  
無縛當云無慳當云無毒當云不愚當云不  
共當云不離當云不雜言當云正念言當云  
無上言當云無上上言當云最勝言當云不  
染言當云不著言當云不縛言當云沒了言  
當云所言皆實當云所言皆真當云具諸功  
德當云應作者作當云作者已辦當云諸作  
者達當云具足慚愧當云多作當云多作利  
益當云慈當云具諸功德法當云棄諸非功  
德當云諸事具足當云不染當云普不染當

云不怯當云不怖當云不驚當云不恐當云  
不弱當云不馳散當云無量無邊功德法行  
具足當云山當云須迷留山當云迷留山當  
云輪山當云大輪山當云不可動當云施者  
當云施主當云所有皆捨當云善施當云和  
顏悅色當云具施當云持戒當云忍當云精  
進當云定當云智當云修神通當云神通已  
達當云到諸處當云大勢至當云力至當云  
到安隱處當云已度彼岸當云學諸佛當云  
不斷佛行當云於諸佛法悉得願滿當云破  
魔羅怨當云摧諸毒刺當云令魔羅力弱當  
云散魔羅軍衆當云令魔羅黨壞當云坐佛  
道場當云已却毒刺當云除魔羅敵當云隨  
順覺當云令順流者逆流當云岸當云能度  
當云已度當云自得脫教當云破闇當云月  
當云日當云無邊光當云無礙光當云不可  
思光當云難稱光當云不可量光當云至諸  
處光當云普光當云不著欲界當云不著色

界當云不著無色界當云泥犁耶解脫當云畜生解脫當云閻魔世解脫當云令泥犁耶清涼當云令畜生清涼當云令閻魔世清涼當云能與所須當云棄捨諸裹當云滅諸苦當云示諸樂當云轉輪王當云世間父當云出世間當云世間解脫當云免世間當云示伏藏當云建立菩薩當云發起菩薩當云開伏藏當云示昔諸佛秘藏當云不可思處能思當云無邊無際功德法具足爾時世尊以無數劫淨心莊嚴所出言音具足功德所謂最上者示教他者順義者甚深者不可伏者微妙者可聞者喜者清淨者悅耳者向心者可愛者滿足者多人喜愛者滑澤者不躍者善度前後際者愛如己子者善出者善合者可入者文字相續決了者善斷諸疑者淳直行者膏潤者似梵天音者雷聲妙者真善決了者似迦陵頻伽鳥聲者淨直行者能淨直友者斷無量疑惑者無依倚者能安慰他者

景三

六

可念者能薄諸使者諸入圓者斷諸諍論者前際已來不許善者非句真出者多種百千相應者智慧讚歎令世間愛及安樂者與第一義門者無過失者共相應者與善時相應者能鳴者善分別字句者決了諸淨句者滅多欲刺者滅多瞋刺者滅多癡刺者能示多義者證無邊義者離六趣者離諸道者離諸道言論者說天句者說龍句者說夜叉句者說捷闍婆句者說阿脩羅句者說伽留荼句者說緊那羅句者說摩睺羅伽句者說音慈忍令喜信教者不詭者無處不行者無處著者無顛倒者自重不挑者常實法定者無曲足者最勝信者能破流轉闇者離惡違失句者能出分別諸句者除諸外論句者能決疑惑者滅諸苦法沒處者最上如如淨自然行者與諸善法相應令喜者說諸善法與寂相應者離諸垢者純淨第一義相應者斷多疑

相應者淨如心淨相應者所言不與非義相應者諸言辯才能說相應者隨其所欲而爲廣引者以諸出語令衆生喜者多人愛敬者相應者解脫者善解脫者最勝者聲王者說安隱聲善相應者攝諸白法相應者善究竟者無邊光者作無邊光者能釋所問無邊法

景三九

智者善能度者說諸樂法相應者說畢竟字句善究竟者說義字句相應者說字句無畢相應者說知足字句相應者說示樂具字句相應者示無量善根者說無量善根相應者以佛莊嚴而莊嚴相應者說無邊句相應者說不去不來字句端正者說無礙字句善究竟者說諸天阿脩羅言教不絕相應者說字句相應不闕少者說字句相應不雜亂者說字句相應不緩者示明者作明及作明者示超越者過超越者示超越及過超越者說善持衣鉢行者於阿遮梨夜尊重勤攝相應者於憂波弟耶夜尊重勤攝相應者常

淨法智淨已復能淨者勤攝第一字句者善說陀羅尼修多羅王者善說三輪修多羅菩薩藏般若波羅蜜出生者善說流轉摩尼藏華者善說八萬四千法聚復示現百千者發起菩薩令發菩提心者如願得三世諸佛法不著者已脫畢竟脫者聲至梵天者梵音者鳴音者離欲聲者離瞋者離癡者諸佛隨喜者諸佛歎可者如是等類所出言音出尊持三十二相法王輪如來具足八分最爲第一無量千種而以讚歎當於爾時說此佈施若發菩提心 此人決定到 不須生疑惑此人所有福 得出生菩提 無量無有邊所有衆生界 此人福勝彼 如我前所說此人所得福 無有福勝此 從此經學者 於彼最勝上 發於菩提心餘經決定說 不上於此經 是名爲福利 若聞此經者佛子隨順教 福田及調伏 我說是寂靜

若聞此經者 是天龍師子 健人無恐怖  
名解脫調柔 信向是經時 大經無有上  
天中天上天 衆生中無上 何況得聞之  
能說及尊重 彼所有辯才 不可得窮極  
得聞是經者 如是彼辯才 亦如於虛空  
無有得其盡 景三 若持此經者 具忍無有瞋  
戒行無怯弱 是智彼邊得  
愛重於教師 亦如愛父母  
能持此經者 菩薩大智慧 不倚於欲界  
色界及無色 能持此經者 菩薩摩訶薩  
疾得趣向彼 無上菩提場 能持此經者  
菩薩大智慧 已怖波卑衆 證無上菩提  
能持此經者 菩薩大智慧 當轉於法輪  
世所不能轉 能持此經者 菩薩大智慧  
世尊與其記 當見如三佛 能持此經者  
菩薩大智慧 當云已滅度 無餘如諸佛  
佛說伽他已奢利弗白言希有婆伽婆如來  
爲諸菩薩略說教法所謂菩薩摩訶薩阿僧

祇劫修菩薩行而未覺無上正遍知道亦未  
得無上正遍知智世尊於此經中說無有上  
彼諸衆生極得善利現於佛前得聞說此最  
上經名所謂諸法上王法門甚善世尊如此  
法門今更說之何以故如我解佛所說義意  
諸過去佛已滅度者爲諸衆生所說正法以  
此爲上所謂諸法上王法門諸未來佛亦以  
此經爲說法上所謂諸法上王法門我亦於  
世尊所聞說無量法門於義文字決定得解  
如我曾聞無勝此者甚善婆伽婆數數爲我  
廣說此勝法門佛言奢利弗隨彼時節隨彼  
衆生心所信解隨彼衆生心所思惟而攝受  
景三 之奢利弗此是佛智非諸聲聞獨覺地境說  
此法門時八萬四千人發阿耨多羅三藐三  
菩提心六萬衆生發菩提心七十俱致欲行  
天未會發阿耨多羅三藐三菩提心者今悉  
發心三十俱致衆生得無生法忍無量地居  
諸天龍等未曾發菩提心者今悉發心奢利

弗以是義故今更廣說此勝法門復於此時有無量千衆生比丘比丘尼優婆塞迦優波斯迦向佛合掌瞻仰尊顏默然而住爾時世尊即便微笑諸佛笑時法從面門出雜色光無量百千種色所謂青黃赤白紫色玻璃色等普照三千大千世界靡不周遍蔽諸日月乃至梵世還來到此遶佛三匝從佛頂入時奢利弗見佛神通即從座起一肩郁多羅僧伽作已右膝著地合掌白言大德世尊有何因緣而現此笑諸佛非無因緣而笑佛言奢利弗汝見比丘比丘尼優婆塞迦優婆斯迦向我合掌目未曾瞬不奢利弗言如是婆伽婆如是修伽多佛言奢利弗彼四衆者悉發大乘心欲聞菩薩行奢利弗於中如來心行智慧若如來過去不可得未來不可得現在不可得是名菩薩行奢利弗若不得菩提若不得心是名菩薩行奢利弗不得聚不著界不取入是名菩薩行當隨順行說此菩薩行

時此三千大千世界六種震動爾時魔羅波卑惶怖倒地及魔羅衆天等亦皆倒地以是因緣而說伽陀言

破我及軍衆 走避不能脫 如今最勝上

世依之所言

云何魔煩惱 諸力皆已失

今到無力處

聞此空法故 魔怖迷悶死

聞此無作法

無將去無行 何處有死者

爾時魔羅天子等從倒處起而作是言甚善

婆伽婆甚善大龍甚善大慈作悲益心於諸

衆生今日世尊令我蘇息世尊大悲勿令我等非時橫死爾時世尊說伽陀言

汝魔著大鎧 如來所說是 信我者甚少

住此富伽羅

爾時魔羅波卑得如來慰喻已歡喜踊躍還得本心身及眷屬皆隱不現

生末

諸法最上王經一卷

景三

須噦下力胡反瞬音應和二字立

聲離音應和去聲

顰蹙上音渠下六

聲歎上苦項反下昔愛反 郁多六反於惱牖上空字百垣牆

上九音

郁多

上六反於惱牖下空字百垣牆

清冷

下音靈 鞭步迷攔楯下時尹反刪墘所

金翅上九音 雙多上必反薄叉上作捕各反 捕魚上步

上音

不挑下徒弔反正作挑不作挑 閻頴才遂緩玄伴蔽

必

## 二經合卷

### 大乘四法經

離垢慧菩薩所問禮佛法經

### 大乘四法經

唐于闐國三藏法師實叉難陀奉 制譯

### 景四

歸命大智海 暝盧遮那佛

如是我聞一時佛在舍衛國祇樹給孤獨園

與大比丘衆五百人菩薩摩訶薩八千人俱  
皆被堅固大弘誓甲冑欲色界諸天子等無  
量百千恭敬如來聽受法要

爾時文殊師利童子持一寶蓋廣十由旬覆  
如來上時有兜率陀天名曰善勝已於阿耨  
多羅三藐三菩提得不退轉與其眷屬在此